



Ե Ր Կ Շ Ա Բ Ա Թ Ա Թ Ե Ր Թ

ՀՀ Դաշնակցության Արցախի Կենտրոնական Կոմիտեի պաշտոնաթերթ

Մենք համացանցում

[www.aparaj.am](http://www.aparaj.am)

## Ամուր կամքը պարտավորեցնող է

Արցախը՝ արդեն չորս ամիս է, որ դիմադրում է: Բաքվի իշխանությունների կողմից կեղծ բնապահպանների պատրվակով Արցախը մայր Հայաստանին կապող ճանապարհը փակ է: Արդեն իսկ մաշել է բնապահպանական պատրվակը, այժմ գենքի-գինամթերքի ապօրինի Արցախ տեղափոխման պատրվակն է օրակարգում:

Միջազգային բեմահարթակում թեև արդեն բոլոր կողմերն անդրադարձել են Բաքվի անմարդկային և նենգ միտումներին, սակայն միայն հնչում են մտահոգության արտահայտություններ և կոչեր, գործնականում՝ զրո արդյունքով:

ՀՀ իշխանությունները եւս, իրենց պատկերացմամբ, կարծես այլևս անելիք չունեն. հարցն արծարծել են միջազգային ատյաններում, ինչ-որ տեղ հայանպաստ վճիռ վաստակել, և մնում է նստել-սպասել, թե երբ կբարեհաճի՝ Փաշինյանի բնութագրմամբ «բարեկիրթ» Ալիևը ապաշրջափակի Արցախը:

Մյուս կողմից, ակնհայտորեն ՀՀ իշխանությունը փորձում է իր ուսերից թոթափել հայ ժողովրդի շահերը ներկայացնելու և Արցախյան հարցի շուրջ բանակցություններում որպես կողմ հանդես գալու որելն առիթ՝ դա թողնելով Ստեփանակերտ-Բաքու ուղիղ բանակցությունների ձեռնարկին՝ «Արցախի հարցը պետք է լուծեն Արցախցիները» պառակտիչ գաղափարը սերմանելով:

Այս բոլոր իրողությունների համայնապատկերում Արցախում շարունակվում է դիմադրությունը: Դիմադրություն, որն արտացոլում է պայքարելու վճռականություն: Օրեցօր խորացող կենցաղային պայմանների սղության և սահմանափակումների մթնոլորտում, այնուամենայնիվ, գտնվում են էլքեր, հնարավորություններ, որոնք մնում են սկզբնականում և տանելի պայմաններ ապահովելու միջոցներ: Անժխտելի է, որ այս պայմաններում բազմապատիկ դժվարանում է կառավարումն ու վերահսկողությունը, և նման դեպքերում կառավարման համակարգի կարգապահությունն ու կոշտ միջամտություններն այն լծակներն են, որոնք հանրության մոտ պետք է ձեռնարկվեն համերաշխության մթնոլորտ, որն անհրաժեշտ պայման է համընդհանուր միասնական մթնոլորտ ապահովելու համար:

Ներքին դիմակայությանը զուգահեռ՝ պայքարը արտաքին և համահայկական մակարդակում եւս հարկավոր է շարունակել: Արցախը սահմանափակ ռեսուրսներ ունի արտաքին աշխարհի հետ հարաբերվելու հարցում: Մինչ այժմ այդ կարելու ճակատը ինչ որ ձեռով ստանձնել էին ՀՀ դիվանագիտական համակարգը և, ոչ պաշտոնական մակարդակով, ՀՀ-ի Հայ դատի գրասենյակները: Այժմ առաջին լծակը անգործունյա է, իսկ ՀՀ-ն, որպես ոչ պետական մարմին, ունի սահմանափակումներ: Մյուս կողմից, համահայկական համախմբումը օր օրի խաթարվում է, ՀՀ իշխանությունների ապազգային քաղաքականությունը կործանում է այն առանցքները, որոնք մինչ այժմ հաղթանակի երաշխիքներ են եղել:

Այս բոլորին ավելանում են նաև միջազգային անկայուն, հեղինակավոր կացությունը, նոր ուժային կենտրոնների նկրտումներն ու հների սլաքների տատանումները:

Համընդհանուր այս տեսողաշտում լուսավոր կետը մնում է միայն պայքարի համար Արցախում առկա տրամադրություններն ու վճռակամությունը: Մնում է, որ Արցախի իշխանությունները եւս ըմբռնեն այս կարելու փրկողակի գինը և հարգեն հանրային՝ առայժմ լուռ, բայց պարտավորեցնող պահանջը:



## Միասնական գորակցական հավաք՝ հանուն Արցախի

Ապրիլի 16-ին Հայկազի Ազգային Զարեհ Եփեփե ճեմարանում հազարավոր հալեպահայերի մասնակցությամբ տեղի ունեցավ գորակցական հավաք՝ ի աջակցություն ավելի քան 125 օր շրջափակված Արցախի ու արցախցիների:

Հավաքին ներկա էր Բերիո Հայոց Թեմի Բարեջան Առաջնորդ Գեորգ. Տեր Մակար Սրբ. Եպս. Ազգարյանը, ՀՀ-ի Բյուրոյի ներկայացուցիչ Հակոբ Տեր-Խաչատուրյանը, ՀՀ-ի Բյուրոյի անդամ, ՀՀ-ի Հայ դատի և քաղաքական հարցերի գրասենյակի պատասխանատու Կիրո Մանույանը, Արցախի Ազգային ժողովի պատգամավոր Դավիթ Իշխանյանը, ՀՀ-ի Հայաստանի, Իրանի և Միջին Արևելքի մարմինների և Հայ դատի հանձնախմբի ներկայացուցիչներ, ՀՀ-ի Հայկազի զխմբավոր հյուպատոսության խորհրդակալ Դավիթ Թադևոսյանը, ՀՀ մարդասիրական խմբի հյուպատոսության ներկայացուցիչ, գնդապետ Արկադի Տոնոյանը, հալեպահայ երեք կազմակերպությունների, հայ կաթողիկե և ավետարանական համայնքների ներկայացուցիչներ, Լիբանանի խորհրդարանի հայկական խորհրդարանական բլոկի նախագահ Հակոբ Բազրատունին, Սիրիայի խորհրդարանի պատգամավորներ Ժիրայր Ռեհիմյանը և ղրկտ. Լյուսի Իսկենյանը, հալեպահայ բարեսիրական, մարզական և մշակութային միությունների ներկայացուցիչներ ու հալեպահայերի հոծ բազմություն:

Հանդիսությունը բացվեց Սիրիայի, Հայաստանի և Արցախի հանրապետությունների օրհներգերով՝ Սիրիայի պատանեկան և երիտասարդական միությունների երիտասարդների կատարմամբ:

Հայերեն բացման խոսքում Ներսես Պարսումյանը հայտնեց, որ «Արցախը մեր ինքնության, ինքնիշխանության և գոյատևման դարպասն է: Արցախով է սկսվում ու վերջանում Հայաստանի սահմանը: Արցախը նորանկախ Հայաստանի տվեց ինքնավստահություն, ուժակամություն և հպարտություն»:

Արաբերեն խոսքում Կարո Եղիայանն ասաց. «Մեր ձայնն ենք բարձրացնում՝ ի աջակցություն բոլոր այն ազգերի, որոնք ապրում են բռնաճնշումների տակ»:

Հանդիսությունը շարունակվեց պատանիներից և երիտասարդներից կազմված երգչախմբի ազգային, հայրենասիրական երգերով, ասմունքներով, դուդուկի նվագով:

Օրվա բանախոսն էր Արցախի Ազգային ժողովի պատգամավոր Դավիթ Իշխանյանը:

Նա Արցախի պայքարող հայրենակիցների ջերմ ողջույնները փոխանցեց սիրիահայությանն այս դժվար օրերին և ցավակցություն հայտնեց Սիրիան ցնցած երկրաշարժի զոհերի հարազատներին՝ ուժ ու կորով մաղթելով Սիրիայի պայքարող ժողովրդին, շեշտելով, որ Արցախը եւս իր օժանդակությունը բերեց սիրիահայությանն այնպես, ինչպես սիրիահայությունը գորակցական կանգնեց Արցախի ժողովրդին. «Փետրվարին, երբ տեղի ունեցավ աղետալի երկրաշարժը Սիրիայում ու Թուրքիայում, ՀՀ-ի Արցախի միավորի նախաձեռնությամբ և Արցախի Հանրապետության իշխանությունների աջակցությամբ դրամահավաք սկսվեց՝ ի գորակցություն Սիրիահայության: Այսօր լիազորված եմ ԱՀ իշխանությունների և ՀՀ-ի Արցախի միավորի անուկից հայտարարելու, որ համատեղ իրականացված այդ նախաձեռնությունը բավականին հաջող էր ու արդյունավետ: Ժողովուրդը սիրով ու նվիրումով է մասնակցել դրամահավաքին»:

Իր խոսքում Դավիթ Իշխանյանն ասաց, որ այսօր խաթարվել է հաղթանակների ու հաջողությունների գրավական Հայաստան-Արցախ-Սիրիա եռամիասնությունը: Հայ ժողովուրդը բաժանվել է հատվածների, հների ու նորերի, սպիտակների և սևերի. «Միասնականությամբ, պայքարի ոգով տոգորված, հաղթանակած ժողովրդից կարծես այլևս հետք չի մնացել»:

Արտաքին ու ներքին ուժերի «հակահայ ջանքերը» իզուր չեն անցել: Այդ ուժերի նենգամիտ ձգտումները չեն կարող իրականություն դառնալ, քանի դեռ կանք մենք՝ հայ ժողովրդի այն տեսակը, որ խորությամբ գիտակցում է իր առաքելությունը և պատրաստ է իր ջանքերն ուղղորդելու և չեզոքացնելու նրանց բոլոր ծրագրերը: Գիտենք՝ այսօր խոսելու ժամանակները չեն:

# Եվրոպայի ՀՀԴ Հայ դատի գրասենյակը հայտնվել է ալիեյան քարոզչամեթոդների թիրախակետում

Եվրոպայի ՀՀԴ Հայ դատի գրասենյակը եւ աշխարհում բոլոր ՀՀԴ Հայ դատի գրասենյակներն ու հանձնախմբերն իրականացնում են հայկական շահերի պաշտպանությունը: Ալիեյը գիտի, որ հայանպաստ բանաձեւերի ընդունման պատճառով խիստ վարկաբեկվում է, եւ որ եվրոպական կառույցների հետ բանակցելիս դրանք կիրառվում են որպես խաղաքարտեր Ադրբեյջանի դեմ:

Եվրոպայի Հայ Յեղափոխական Դաշնակցության Հայ դատի՝ EAFJD գրասենյակը աշխարհում գործող ՀՀԴ Հայ դատի գրասենյակներից է եւ գործում է՝ մասնավորապես Հայ դատի, Արցախի բնիկ հայ ժողովրդի ինքնորոշման իրավունքի, Հայոց ցեղասպանության ճանաչման եւ հատուցման, Հայաստանի եւ Արցախի հանրապետությունների եւ Եվրոմիություն միջեւ կապերի ամրապնդման համար եւ պաշտոնապես գրանցված է Եվրոխորհրդարանում: Իր դերակատարությունը, այդպիսով, Եվրոպական գործադիր եւ օրենսդիր մարմիններում կայացող պաշտոնյաների կամ պատգամավորների որոշումների վրա հայանպաստ ազդեցություն գործել է: Այն գտնվում է Բելգիայի մայրաքաղաք Բրյուսելում: Սրանից չորս ամիս առաջ գրասենյակը նշեց իր գործունեության 20-ամյակը: ՀՀԴ Եվրոպայի Հայ դատի հանձնախմբի նախագահը Գասպար Կարապետյանն է, իսկ ՀՀԴ Եվրոպայի Հայ դատի գրասենյակի գործադիր տնօրենը՝ Յեղիս Եվիսյանը:

Գրասենյակի հանդեպ ադրբեյջանական հալածանքներն օրեցօր ավելի ուժգին են դառնում, եւ

ավելին՝ դրանց կիզակետում հայտնվել է գրասենյակի նախագահ Գասպար Կարապետյանը: Ալիեյի պահանջով, 2018-ին ո՛չ միայն վերջինս գտնվել էր Ինտերպոլի ադրբեյջանական ցուցակում, այլ նաեւ հասել է Եվրոպական մեդիադաշտ՝ սկանդալային թյուր տպավորություններ առաջացնելու նպատակ հետապնդող կասկածելի հոդվածագիրների գրչին, որոնց «գրեթե հավաստի» աղբյուրները «զարմանալիորեն» ադրբեյջանական մամուլն են: Գործը հասել է բելգիական պատկառալի «Լը Վիֆ» (Le Vif) պարբերականին, որի սյունակներում ոմն Սեբաստիան Բուսուան այս տարվա մարտի 1-ին հրապարակել է «Արմենիեն Գեյթը տեսանելի» է, Եվրոպան պե՞տք է մաքրի իր բարեկամական խմբերը» ֆրանսերեն շարադրված անհիմն հոդվածը: Յեղիսյանը ընդգծում է, որ Եվրոպայի ՀՀԴ Հայ դատի գրասենյակը Եվրո-

պայի ամենամեծ հայամետ կազմակերպությունն է, այս տեղեկությունը շահախելով կեղծ տվյալներով՝ հավաստիացնելով, թե այն ֆինանսավորվում է «միլիոնատեր Կասպար Կարապետյանի կողմից»: Ֆրանսիայի կողմից Եվրոպական ժողովրդական խմբի՝ Եվրոպատգամավոր Ֆրանսուա-Զուսայե Բելամիին անվանելով Հայաստանի եռանդուն պաշտպան, ինչը որ անհերքելի է, Բուսուան հայտնում է, որ գրասենյակի ազդեցությամբ 22թ. նոյեմբերի 19-ին մի խումբ խորհրդարանականներ ստորագրել են հայտարարություն, որում մեղադրում են Ադրբեյջանին «Հայաստանի դեմ ագրեսիա» իրականացնելու եւ «երկրի տարածքային ամբողջականությունը խախտելու մեջ» մոլորեցնելով ընթերցողին, կարծես թե հայտարարության բովանդակությունը չի համապատասխանում իրականությանը: «Կատար Գեյթից» հետո Եվրոպան կհանդիպի «Արմենիեն Գեյթի», - գրում է Բուսուան՝ կասկածի տակ առնելով Հայաստանի հետ կապված բարեկամական խմբերի գործունեությունը հատկապես:

Մարտի 3-ին «Լը Վիֆ»-ի (ամբաստանիչ) հրապարակման հայտնվելուց ընդամենը երկու օր անց ադրբեյջանական թերթերից մեկը վերագրել է մի հոդված՝ «Եվրոպայում նոր՝ «Արմենիեն Գեյթ», կաշառակերային սկանդալ է բռնկվել» վերնագրով, «բացահայտում», որը նա վերագրել է «Լը Վիֆ»-ին: Այսպիսով, լրատվամիջոցները, միմյանց մեջբերելով, կարող են հանգեցնել զուգահեռ իրականության: Սակայն այդ քարոզարշավները հաճախ ինքնաբերական չեն. դրանք կազմակերպվում են միջազգային խորհրդատվական ընկերությունների կողմից: → 3



## Միասնական գորակցական հավաք՝ հանուն Արցախի

1 ← Երբեմն լուռ գործելն ավելի արդյունավետ է, քան հրապարակային ճանաչումը: Մեր կացությունն այնպիսին է, որ պարտավորված ենք խաղի այս կանոններով առաջնորդվել:

Անդրադառնալով Արցախում տիրող իրավիճակին, անկա մարտահրավերներին, Դ. Իշխանյանը նշեց, որ անցած 2,5 տարիներին Ադրբեյջանի ագրեսիվ քաղաքականությունը Արցախի նկատմամբ էթնիկ զտումներին միտված քայլեր են, որոնք թելադրում են՝ նախ ամրապնդել եւ ուժեղացնել Արցախի Պաշտպանության բանակը, այնուհետեւ ստեղծել անվտանգային հավելյալ գործոններ:

«Հետպատերազմյան Արցախը ստիպված էր եւ դիմակայել տնտեսական ու սոցիալական այն մարտահրավերներին, որոնց դեմ առ դեմ էր կանգնած: Տարածքների կորուստ, քայքայված գյուղատնտեսություն, պարենային անվտանգության նոր մարտահրավերներ: Անհրաժեշտ էր արագ վերակազմակերպում եւ նոր ուղիների գարգացում: Այդ մտայնությամբ զարկ տրվեց ջերմոցային տնտեսությանը, այգեգործությանը եւ հացահատիկային նոր մշակաբույսերի զարգացմանը», - իր խոսքում սասց Դավիթ Իշխանյանը՝ ավելացնելով, որ Արցախի տնտեսության ողնաշար համարվող հանքարդյունաբերությունն ու էներգետիկ համակարգը լուրջ հարվածներ ստացան. հանքարդյունաբերության որոշ տարածքներ հայտնվեցին Ադրբեյջանի օկուպացիայի տակ, իսկ մինչեւ վերջերս գործող Կաշեի հանքավայրի շահագործումը ԱՀ կառավարության որոշումով ժամանակավորապես դադարեցվեց այսպես կոչված «բնապահպանների» կեղծ օրակարգի արդյունքում:

Նրա խոսքով, Ադրբեյջանը հատուկ հաշվարկներ ունի. շրջափակման միջոցով Արցախին պարտադրել հրաժարվել

իր քաղաքական պահանջներից, ինչպես նաեւ հայաթափել Արցախը: Այս ամենին պետք է ավելացնել ՀՀ իշխանությունների կողմից վարվող ապագային քաղաքականությունը, որը լուրջ հարված է հասցնում ոչ միայն Արցախի հիմնահարցի հայանպաստ ու վերջնական հանգուցալուծմանը, այլեւ համազգային մեր մյուս խնդիրներին:



ՀՀԴ Բյուրոյի անդամը վստահեցրեց, որ պայքարելու համոզումն է առաջնորդում արցախցուն, եւ ոչ մի ճնշում, ոչ մի սպառնալիք, լինի դա շրջափակման տեսքով կամ այլ, չի կարող լինել պարտադրանք որոշումներ կայացնելու համար:

«Դրա վառ վկայությունն են 2022թ. հոկտեմբերի 30-ի եւ դեկտեմբերի 25-ի բազմաձայնարանոց երկու հանրահավաքները մայրաքաղաք Ստեփանակերտի Վերածննդի հրապարակում: Ընդ որում, երկրորդ հանրահավաքը տեղի է ունեցել շրջափակման պայմաններում, որը եւս մեկ անգամ հաստատում է մեր պայքարի վճռականությունը: Մենք Ար-

ցախում շատ լավ ենք հասկանում, թե համահայկական ինչպիսի քաղաքական, կազմակերպական ու բարոյահոգեբանական նոր մակարդակ է անհրաժեշտ ապահովել: Համոզված եղեք, որ դրա պարարտ հողը կա: Պետք է հավատալ, վստահել ու գործել», - նշեց Դ. Իշխանյանը:

ՀՀԴ Բյուրոյի ներկայացուցիչ Հակոբ Տեր-Խաչատուրյանն իր խոսքում նշեց. «Վստահաբար գիտեք, թե որքա՞ն հարազատ են գգում Սիրիայի հայության հայատրոփ կենտրոն Հալեպում: Պաշտոնական հանգամանքներից բացի, ինձ համար տունդարձի համագործակցություն է այսպիսի ամենայն: Եվ որքան հատկանշական է, որ երկրաշարժի ցնցումներով անցած Տեր-Խաչատուրյանն իր խոսքում նշեց. «Վստահաբար գիտեք, թե որքա՞ն հարազատ են գգում Սիրիայի հայության հայատրոփ կենտրոն Հալեպում: Պաշտոնական հանգամանքներից բացի, ինձ համար տունդարձի համագործակցություն է այսպիսի ամենայն: Եվ որքան հատկանշական է, որ երկրաշարժի ցնցումներով անցած

Արեւելքի (Իրանի եւ Արաբական Աշխարհի) մեր մարմինների եւ Հայ դատի գրասենյակի ու հանձնախմբի ընկերները՝ ոչ միայն մասնակցելու Հալեպում գումարվող մեր շրջափակման խորհրդաժողովներին, այլեւ ձեռնարկել լինելով ձեռնարկները բոլորիս անհուն սերը, խոր հարգանքը եւ աներեր գորակցությունը:

Օրվա եզրափակիչ խոսքն ուղղեց Բերիոյ Հայոց Թեմի Առաջնորդ Գեորգ Մակար Սրբ. Եպս. Ազգարյանը: Անդրադառնալով Արցախի շրջափակման եւ մեր ժողովրդի դիմադրողական ոգուն, սրբազան հայրը հայտնեց. «Արցախի մեր ազգակից եղբայրներին եւ քույրերին գորակցական այս հավաքը գալիս է մեծագույն եւ կենդանի վկայությունը հանդիսանալու մեր հայկական պինդ հոգուն, աննկուն կամքին եւ անհաղթահարելի ոգուն:

«Պարտվում եւ կորցնում ենք, երբ մեր հավատքը տկարանում է, երբ մեր սերը նվազում է, երբ մեր հույսը չքանում է: Մինչ այն ժամանակ, որ մեր սրտում սերը կբաբախի, որ մեր եւության մեջ հավատքը գործել կմնա եւ հավիտենականության հանդեպ հույսը վառ՝ որեւէ ուժ աշխարհի վրա չի կարող ընկնել մեզ այնպես, ինչպես չեն կարողացել ընկնել եւ չպիտի կարողանան ընկնել մեր միասնական ոգին: Այսօր մենք որպես ժողովուրդ չենք կարող անտարբեր գտնվել: Մանավանդ հարության տոնական այս ժամանակաշրջանում բոլորս զորակոչի ենք հրավիրվել ու մեր գորակցությունն ենք հայտնում Արցախի մեր քույր-եղբայրներին: Մենք ձեռք հետ ենք այնպես, ինչպես դուք մեզ հետ եղաք: Մենք ձեռք հետ պիտի լինենք եւ պիտի շարունակենք ձեռք հետ տագնապել, պայքարել, մինչեւ որ արդարության եւ հաղթանակի դրոշմ ծածանվի Հայաստանի եւ Արցախի երկնակամարի վրա»:

S. ԱՐԱՋԱՆՅԱՆ

# Եվրոպայի ՀՅԴ Հայ դատի գրասենյակը հայտնվել է ալիեյան քարոզչամեթոդների թիրախակետում

2 ← Ապատեղեկատվական արշավները Եվրոպայում ադրբեջանական ազդեցության ռազմավարության միայն մեկ տարրն են, եւ հիշեցնում է, որ մասնագիտացված ՌԿ-ները, ի թիվս այլոց, բացահայտել էին «խավիարային դիվանագիտությունը», ապա եւ «ադրբեջանական լվացքատուն» կոռուպացված համակարգը:

## Այնուամենայնիվ, ինչպե՞ս է հաջողվում հասնել Եվրոպական կառույցներում հայանապատ բանաձեւերի ընդունմանը

«Մենք՝ Եվրոպայի ՀՅԴ Հայ դատի գրասենյակը եւ աշխարհում բոլոր ՀՅԴ Հայ դատի գրասենյակներն ու հանձնախմբերը իրականացնում ենք Հայաստանի քարոզչությունը», - պարզաբանում է Գասպար Կարապետյանը: «Եվրոխորհրդարանի հետ մեր հիմնական աշխատանքի կենտրոնում է Եվրոհանձնաժողովի նախագահ Ուրսուլա Ֆոն Դեր Լայենի, արտգործնախնամաժողովի եւ ԵՄ արտաքին գործերի եւ անվտանգության քաղաքականության ներկայացուցիչ Ժոզեպ Բորելի հետ համագործակցությունը: Դրանից բացի, համագործակցում ենք տարբեր հասարակական կազմակերպությունների հետ՝ համատեղ կազմակերպում ենք հանդիպումներ եւ այլն: Եվրոխորհրդարանում մեր ջանքերով կազմել ենք բարեկամության երկու տարբեր խմբեր: մեկը Արցախի հետ, մյուսը՝ Հայաստանի, եւ դրանք մեծ թվով անդամներ ունեն: Դրանից բացի, Բելգիացի լրագրողներ մեր միջնորդությամբ Հայաստան մեկնեցին նոյեմբեր, դեկտեմբեր ամիսներին, եւ հիմա՝ հինգ շաբաթ առաջ՝ նույնպես: Պատերազմի՝ Ստեփանակերտի ռմբակոծման ընթացքում անգամ մեկ պատգամավոր եւ երկու լրագրող Ստեփանակերտ ուղեկցեցին, եւ իրենք մեծ թվով հոդվածներ հրատարակեցին», - նկարագրում է Գասպար Կարապետյանը: «Չուզեցիք բար, Հեղինե Էվիյանը եւ եւ շարունակ գտնվում ենք հայկական եւ օտար մամուլի հետ կապի մեջ, ամեն տեղ հարցազրույցներ տալիս, Եվրոխորհրդարանի պատգամավորների հետ պարբերաբար հանդիպումներ ենք ունենում: Ընդհանուր առմամբ, մեր աշխատանքն այս է: Բարեբախտաբար, շատ լավ գործակցություն ունենք Հայաստանի դեսպանության հետ»:

## Եվրոխորհրդարանը ճանաչել է Արցախի ինքնորոշման իրավունքը

Գրասենյակի գործունեության ակներեւ հաջողություններից է մարտի 22-ին Փարիզում տեղի ունեցած Եվրոպայի խորհրդի Իրավական հարցերի եւ մարդու իրավունքների կոմիտեի լիազուստար նիստում հայտնաձևված Լաչինի միջանցքի մշտական խոչընդոտման պատճառով ծավալված հումանիտար ճգնաժամի կապակցությամբ խոր մտահոգությունը: Դրանից առաջ, մարտի 15-ին կայացած Եվրոխորհրդարանի լիազուստար նիստում հաստատվել էին փետրվարի 20-ին ներկայացված Միջազգային հարցերի հանձնաժողովի երկու՝ ԵՄ-Հայաստան եւ ԵՄ-Ադրբեջան հարաբերությունների բանաձեւերը հոգուտ հայկական կողմի՝ որոշ լրացումներով: **Եվրոխորհրդարանը կոչ է արել Եվրոխորհրդին՝ նպատակաւորաբար պատժամիջոցներ կիրառել Ադրբեջանի կառավարության պաշտոնյաների դեմ**, եթե վերջինս անհապաղ չկատարի 2023 թվականի փետրվարի 22-ի Արդարադատության միջազգային դատարանի վճիռը, եւ որ ավելի կարեւոր է՝ **Եվրոխորհրդարանը ճանաչել է Արցախի ինքնորոշման իրավունքը**:

Այսպիսով, Եվրոխորհրդարանն ընդգծում է, որ Լեռնային Ղարաբաղի հակամարտությունը պահանջում է համապարփակ քաղաքական կարգավորում՝ միջազգային իրավունքին համապատասխան, ներառյալ՝ ՄԱԿ-ի կանոնադրության, ԵԱՀԿ 1975-ի Յեւսիսկյան եզրափակիչ ակտի շրջանակներում, որոնցից մասնավորապես բխում են Լեռնային Ղարաբաղի հակամարտության կարգավորման հիմնարար երեք՝ ուժի չկիրառման, տարածքային ամբողջականության եւ ազգերի

ինքնորոշման իրավունքի սկզբունքները, որոնց ավելացվել են նաեւ ԵԱՀԿ Մինսկի խմբի 2009 թվականի հիմնական սկզբունքները: Այդ մասին հայտնել էր Եվրոպայի ՀՅԴ Հայ դատի գրասենյակը իր հաղորդագրության մեջ:

67 կետերից բաղկացած ԵՄ-Ադրբեջան հարաբերություններ գեկույցի 3-րդ կետն այն փոփոխություններից է, որ հնարավոր եղավ ավելացնել թե՛ գրասենյակի, թե՛ ՀՀ դեսպանության եւ թե՛ Եվրոպատգամավորներ Ֆրանսուա-Զապյե Բելամիի եւ Նատալի Լուազոյի ջանքերով: Նախնական գեկույցի համեմատ՝ Եվրոխորհրդարանը կարեւոր է համարել ընդգծել, որ խորապես մտահոգված է Լաչինի միջանցքի ներկայիս շրջափակմամբ, կոչ է անում Ադրբեջանի իշխանություններին՝ երաշխավորել այս միջանցքով տեղաշարժի ազատությունն ու անվտանգությունը, ինչպես նախատեսված է 2020 թվականի նոյեմբերի 9-ի եռակողմ հռչակագրով, եւ ընդգծում Ադրբեջանի վրա դրված պարտավորությունները՝ նույն Միջազգային դատարանի 2023 թվականի փետրվարի 22-ի վճիռով:

Բացի այդ, Եվրոխորհրդարանը նույն բանաձեւի երկրորդ կետում դատապարտում է Ադրբեջանի ղեկավարության պահվածքը, որը տապալում է խնդրի կարգավորման ուղղությամբ գործադրվող ջանքերը, մասնավորապես՝ սպառնալով նոր հարձակումներով, պարբերաբար խախտելով սահմանները, հավակնություններ ներկայացնելով այսպես կոչված՝ Արեւմտյան Ադրբեջանի տարածքին եւ հայ բնակչության հանդեպ ատելության



խոսք տարածելով՝ հատկապես կրթության ոլորտում, եւ կոչ է անում Ադրբեջանի ղեկավարությանը վերջ դնել նման պահվածքին:

Ըստ Գասպար Կարապետյանի, բոլոր փոփոխությունները կատարվել են ադրբեջանական գեկույցում, եւ պատժամիջոցների կետը ներառված է ադրբեջանական բանաձեւի հետք առաջին կետում, քանի որ Եվրոպական ժողովրդական խմբից՝ բուլղարացի գեկուցող Անդրեյ Կովաչեւի պատրաստած հայկական գեկույցն արդեն լավ մշակված էր:

«Չի կարելի ասել, որ ադրբեջանական գեկույցի հեղինակը՝ նույն Եվրոպական ժողովրդական խմբից խորվաթացի Ժելիանա Չովկոն, եղել է ադրբեջանամետ, բայց ադրբեջանական գեկույցում պատժամիջոցները ներառելը իրական մարտավարական նշանակություն ունի, որպեսզի Ադրբեջանը պարտավորվի կատարել այդ կետը», - տեղեկացնում է Գասպար Կարապետյանը՝ պատմելով բանաձեւերի առավել նպաստավոր դարձնելու հնարավորությունները: «Կարգն այն է, որ գեկույցը պատրաստ լինելուց հետո այն քննարկվում է փոփոխվում է Եվրոխորհրդարանի արտաքին հարաբերությունների հանձնաժողովում: Եվ եթե գեկուցողը տեղեկանում է նոր դեպքերի, որոնք կամ ինքն է նկատել, կամ մենք ենք իրեն իրազեկել, կամ դեսպանատունը, կամ մեկ ուրիշը, ապա նա կարող է կատարել իր լրացումները, եւ Եվրոխորհրդարանը նույնպես իրավունք ունի իր փոփոխություններն առաջարկել, եթե դրանք 71 պատգամա-

վոր ստորագրեն», - պարզաբանում է նա: Եվ հենց այս փուլում է, որտեղ որ ՀՅԴ Հայ դատի գրասենյակը կարողանում է դրանց վրա առավելագույնս ազդել: «Այսպիսով, հարկ է ընդգծել, որ Ֆրանսուա-Զապյե Բելամին եւ Նատալի Լուազոն մեծ ջանքեր են գործադրել մի շարք կարեւոր Արցախի ինքնորոշման իրավունքի հիշատակման եւ Ադրբեջանի հանդեպ պահանջվող պատժամիջոցների առաջարկներն ավելացնելու ուղղությամբ: Եվ եւ անձամբ մի քանի օր գանգահարել եմ պատգամավորներին՝ 71 ստորագրություններն ստանալ նրանց օգնելու համար: Մենք Բելամիի հետ աշխատել ենք պատժամիջոցների փոփոխությունների շուրջ», - բացատրում է Գասպար Կարապետյանը:

Առանձնացնենք, որ բանաձեւերի ընդունմանը հաջորդող ելույթները նամանավանդ հատկանշական էին: Այսպես, Միջ Ուղեւը հայտարարել է, որ հայկական եւ ադրբեջանական տեքստերի միջեւ հնչեցրանգային տարբերություններն ապշեցնում են. «Եվ մենք չենք կարող բավականաչափ դատապարտել Ադրբեջանին իր ռազմական ագրեսիայի, քաղաքական եւ քաղաքացիական հասարակության ակտիվիստների հետապնդումների եւ մարդու իրավունքների բոլոր տեսակի խախտումների համար: ... Այնուամենայնիվ, բռնապետ եւ ագրեսոր Ադրբեջանը մեր մտերիմ գործընկերն է», - հնչեցրել է պատգամավորը: Նմանապես, Զլեր Դալին ընդգծել է, որ Ադրբեջանի վերաբերյալ այս գեկույցն իսկապես հետաքրքիր է կարդալ: «Այն պարունակում է պատերազմական հանցագործությունների՝ խոչտանգումների եւ անդամահատումների, ռասիստական ատելության խոսքի Բաքվում գտնվող գրոտեսկային դժուրակ ռազմավարի պուրակի մասին մեղադրանքներ», - թվարկել է Եվրոպատգամավորը:

Հարկ է նշել, որ ի պաշտպանություն Ադրբեջանի՝ ելույթներ չեն արձանագրվել: Դրա պատճառներից մեկն է նաեւ «խավիարային դիվանագիտություն» ազդեցության տակ լինելու պիտակավորման մտավախությունը:

## Ի՞նչ է կշտամբում Ալիեւը Եվրոպայի ՀՅԴ Հայ դատի գրասենյակին

Եվրոխորհրդարանում ընդունված բանաձեւերը, այնուհանդերձ, անմիջական հետեւանք չունեն: «Սակայն այս բանաձեւերի արձանագրման կարեւորությունն այն է, որ ինչ-որ մի պահ դրանց հետ, այնուամենայնիվ, հաշվի նստելու են, եւ դրանք հանդիսանում են ճնշման համար միջոցներ: Այդ է պատճառը, որ Ալիեւը խիստ զայրացած է», - պարզաբանում է Գասպար Կարապետյանը: «Սրանից 2-3 ամիս առաջ, երբ արտգործնախնամաժողովի հետ Եվրոխորհրդարանի պատվիրակությունը մեկնել էր Բաքու, արարողակարգից բոլորովին անդին՝ Ալիեւը իրենց ծանր խոսքեր ասաց, շատ ծանր, որպիսիք չի կարելի կիրառել քաղաքականության մեջ: Ամբաստանեց, նրանց հանդիմանելով, որ հայերի ձեռքին են գտնվում, որ Եվրոխորհրդարանը Հայաստանի խորհրդարանից էլ ավելի վատ բանաձեւեր ունի Ադրբեջանի հանդեպ: Նա այնքան կատաղեց, որ բարձրաստիճան ներկայացուցիչներին ասաց, թե՛ դուք ինքներդ չեք որոշումներ կայացնում, որ այդ որոշումները կայացնում է բոլոսեւյան լրբբիստը, մենք՝ այսինքն, որ իրենք հանդիսանում են մեր գործակատարները: Ալիեւը բոլորովին այլ իրականության մեջ է գտնվում»:

Ի՞նչ է կշտամբում Ալիեւը, եթե այդ բանաձեւերն անմիջական ազդեցություն չունեն: Խնդրին այն է, որ Ալիեւը լավատեղյակ է, որ այսօրինակ բանաձեւերով ինքը եւ իր երկիրը վարկաբեկվում են, եւ Եվրոպական կառույցների հետ բանակցելու ընթացքում դրանք Ադրբեջանի դեմ խաղաքարտեր են, որ իրենից ավելին կպահանջեն՝ մատնանշելով, որ ահա թե ի՞նչ է մտածում մեր խորհրդարանը: Այս ամենը վաղ թե ուշ իր դերակատարությունն ունի՝ լինի այսօր, լինի տասը տարի անց: Սրանք են Եվրոպայի ՀՅԴ Հայ դատի գրասենյակի հանդեպ այս բոլոր հարձակումների պատճառները:

### Սրբությունները պիտի արյան գնով պաշտպանել

Շենք եւ հավատք, բանակ եւ եկեղեցի, Աստված եւ հայրենիք: Ինչքանով են այս հասկացությունները համատեղելի, չէ՞ն հակասում արդյոք իրար: Այս եւ այլ հարցերի շուրջ գրուել ենք Պաշտպանության բանակի ավագ գնդերեց Տեր Վարդան քահանա Արտիսյանի հետ: Նա Պաշտպանության բանակում իր ծառայությունը մատուցում է 2018թ. հուլիս ամսից, նախ՝ որպես Ասկերանի գործառնական գնդերեց, հետո՝ Խոջալուի գործառնական գնդերեց, իսկ հիմա՝ ԱՅ ՊԲ ավագ գնդերեց:

#### Եթե ծառայում ես քո հայրենիքին, դա ծառայություն է նաեւ Աստծուն

Յուրաքանչյուրն ինքն է որոշում՝ ինչպես ծառայել, մեկը հոգեւորական դառնալով, մեկը հայրենիքին, մեկ այլ մարդ գիտությանը ծառայելով: Ծառայությունը հայրենիքին եւ Աստծուն տարբեր է լինում: Եթե ծառայում ես քո հայրենիքին, դա ծառայություն է նաեւ Աստծուն: Արդեն 25 տարի է, ինչ Չինված ուժերում հոգեւոր սպասավորություն գոյություն ունի, եւ ժամանակ ամ ժամանակ հոգեւոր սպասավորները համալրվում են. այդպիսի մի հնարավորություն էլ ինձ էր ընձեռնվել: Վեհափառ Հայրապետի օրհնությամբ նշանակվել եմ գինված ուժերում ու սպասավորել եմ: Հետագայում ցանկություն եմ հայտնել շարունակել, Վեհափառ Հայրապետն ընդառաջել է իմ ցանկությանը եւ իր օհնությունն ու տնօրինությունն է, որպեսզի շարունակեմ իմ հոգեւոր ծառայությունը գինված ուժերում:

#### Արդյո՞ք համատեղելի են գենը եւ հոգեւորականի առաքելությունը

Աստվածաշնչում այսպիսի հրահանգ կա, որ քո սրբությունները պիտի արյան գնով պաշտպանես: Մեր հայրենիքի սահմանները մեր սրբությունների սկիզբն են, մեր յուրաքանչյուր սրբություն սկսվում է առաջնագծից, հայրենիքի սահմաններից, այնտեղից է սկիզբ առնում մեր ընտանիքը, մեր հարազատների պարտկալայրը: Կանգնելով սահմանին՝ պաշտպանում ենք մեր հարազատներին, քույրերին, եղբայրներին, մեր բարեկամներին, ընկերներին, այսինքն՝ մեր սրբությունները: Հոգեւորականը կարող է գենը վերցնել, գնալ առաջնագիծ եւ պաշտպանել մեր հայրենիքի սահմանները վայրագություններից: Մեր հակառակորդն ուզում է զավթել մեր հայրենիքը, եւ կարեւոր է, որ հոգեւորականը լինի գինվորների, սպաների կողքին հավասարապես, գենը ձեռքին պայքարի:

Այդպես պայքարում էին նաեւ Վարդանանց քաջերը, եւ մենք պատմությունից գիտենք, որ Վարդանանց պատերազմի ժամանակ հոգեւորականները Ղեւնդ երեցի եւ կաթողիկոսի գլխավորությամբ գտնվում էին առաջնագծում, մինչ ճակատամարտը պատարագ մատուցեցին, հաղորդություն բաժանեցին, զորքին մկրտեցին եւ նրանց հետ գենը ձեռքներին պայքարի դուրս եկան: Այն ժամանակ էլ պայքարում էին հանուն հայրենիքի, հանուն հավատքի, այսօր էլ նորից պայքարում ենք հանուն հայրենիքի եւ հանուն հավատքի: Այս պայքարի մեջ հոգեւորականը պիտի լինի առաջամարտիկներից, այլ ոչ թե հետեւում կանգնի եւ միայն կոչերով հանդես գա. միայն կոչերով հայրենիք չեն փրկում, հայրենիք չեն պաշտպանում:

Նաեւ պիտի զանազանեք պայքարի բնույթը՝ նվաճողական է, թե՛ պաշտպանողական: Հոգեւորականը չի մասնակցի նվաճողական պայքարի, մեկ այլ ազգի հողակտորը, հայրենիքը չի գավթի, իսկ պաշտպանողական պայքարին կմասնակցի եւ կլինի առաջնագծում: 44-օրյա պատերազմի, Ապրիլյան քառօրյա պատերազմի, Արցախյան առաջին գոյապայքարի ժամանակ էլ մեր հոգեւորականները եղել են առաջնագծում, եղել են գինվորների, մարտիկների կողքին եւ նրանց հետ միասին հավասարապես պայքարել են: Հոգեւորականը պիտի լինի իր հոտի, իր զավակների կողքին, իսկ իր զավակները գտնվում են առաջնագծում եւ պայքարի մեջ են հանուն հայրենիքի պաշտպանության:

#### Մեր հոգեւորականները գտնվում են իրենց գինվորների կողքին՝ առաջնագծում

Շատ եմ կարեւորում հոգեւորականի դերը գինված ուժերում, որովհետեւ այնտեղ ծառայում են մեր հասարակության տարբեր շերտերի, խավերի գինվորներ, գինծառայողներ, եւ երբեմն ինչ-որ խնդիրներ, միջադեպեր են լինում: Հոգեւորականը բանակում նրա համար է, որպեսզի օգնի յուրաքանչյուր գինծառայողի ճիշտ լուծումներ գտնել, իր լուրման ներդրի մեր հայրենիքի պաշտպանությանը: Հոգեւորականը միայն քարոզչության համար չէ գործառնական: Այո, պիտի Աստծո խոսքը քարոզի, բայց դրա հետ զուգահեռ՝ պիտի նաեւ իր հոգեւոր ծառայությունը մատուցի մեր հայրենիքին, լինի մեր գինվորի կողքին, նրա հոգեւոր մտահոգվի, նրա ուրախություններով ուրախանա:

Եթե մարդ ցանկանում է հայրենիքին ծառայություն

մատուցել, առաջնաերթ պիտի լինի առաջնագծում կանգնած գինվորի հետ եւ կիսի նրա հոգսը, առօրյան: Եվ այս առումով՝ մեր հոգեւորականները գտնվում են իրենց գինվորների կողքին, առաջնագծում եւ մտահոգվում են նրանց հոգսերով, ուրախանում նրանց ուրախություններով, փորձում են հայրենիքի հանդեպ իրենց ծառայությունը մատուցել եւ օգնել, որպեսզի գինվորները լսեն Աստծո խոսքի մասին, մասնակցի լինեն հոգեւոր արարողություններին, դրանց միջոցով համախմբվեն, միասնականություն ձեռք բերեն, լինեն մեկ ընտանիք: Հոգեւորականը գործառնական քարոզում է, որ գործառնական բազմաթիվ անդամներից բաղկացած տուն է, ընտանիք, յուրաքանչյուր գինծառայող այդ ընտանիքի մի անդամ է, որտեղ պիտի տիրի սերը, համերաշխությունը, միասնականությունը, փոխհամաձայնությունը, փոխըմբռնվածությունը, որպեսզի կարողանան կատարել մեր հայրենիքի եւ մեր ազգի հանդեպ ծառայությունը:



Պատերազմի թե՛ կետերում եղած գինծառայողներն ունեցել են որոշակի հոգեբանական խնդիրներ

Յուրաքանչյուր պատերազմ իր հետ բերում է հոգեբանական տրավմաներ, սթրեսներ: Պատերազմից հետո որոշակի դժվարություններ են ի հայտ եկել՝ կապված գինծառայողների բարոյահոգեբանական վիճակի հետ: Եթե մինչ պատերազմը անմիջական շփումն ավելի հեշտ են արագ էր ստացվում, պատերազմից հետո արդեն մի քիչ բարոյականության երեւոյթներ են հանդիպում, ու այստեղ խնդիր կար, որպեսզի հոգեւորականը կարողանար ճկուն մոտեցում դրսեւորել: Չինծառայողների քանակը շատ է, հոգեւորականը մեկն է: Յուրաքանչյուրին չես կարող նույն մոտեցումը ցուցաբերել, որովհետեւ մարդն իր եռանդով տարբեր է: Մի քանի րոպեի ընթացքում մի քանի գինծառայողների հետ պիտի շփվես, երկխոսես եւ պիտի կարողանաս արագորեն անհատական մոտեցում ցուցաբերել, որը պրակտիկայում մինչ պատերազմն այլ էր, պատերազմից հետո՝ այլ: Այդպիսի պրակտիկա եւ նախկինում չեմ ունեցել, եւ պատերազմից հետո դա ինձ փորձառություն տվեց էլ՝ ավելի լավ գինվորներին հասկանալու եւ էլ՝ ավելի լավ նրանց հոգեկան աշխարհն ընկալելու:

#### Պաշտպանելու համար յուրաքանչյուր պարտավոր է գենը վերցնել

Եթե մեկը կոչ է անում գենը վերցնել, չպայքարել հանուն քո հայրենիքի, ապա դա ազգային անվտանգության խնդիր է առաջացնում: Եկեղեցին էլ է պայքարում այս արատավոր երեւոյթների դեմ: Եթե Աստծո կամոք այնպիսի մի ժամանակաշրջան հասնենք, որ մեր որեւէ հարեւան երկիր չփորձի մեր տարածքը զավթել եւ խաղաղություն, համերաշխություն տիրի հարեւան ազգերի միջեւ, ապա վստահաբար կարիք չի լինի հայրենիքի սահմանները պաշտպանելու: Այդ ժամանակ կարիք չի լինի, որ մենք գենը վերցնենք եւ օրովիշեր պահենք մեր հայրենիքի սահմանները: Սակայն, եթե ապրում ենք այնպիսի ժամանակաշրջան, որ եթե հայրենիքի սահմանները մեկ րոպե անգամ չպահվի, մեր հարեւան ազգը կհարձակվի եւ կխլի մեզանից, ապա այս պարագայում պիտի միանշանակ գենը վերցնի յուրաքանչյուր հայրորդի եւ կանգնի առաջնագծում: Պաշտպանելու համար յուրաքանչյուրը պարտավոր է գենը վերցնել եւ պաշտպանել հայրենիքի սահմանները: Եկեղեցին էլ՝ հանձնիս բանակում գնդերեցների առկայության, ընդունում է այն գաղափարը, որ պիտի պաշտպանես քո սրբությունները, քո հայրենիքը, քո ընտանիքը, քո քաղաքն ու գյուղը: Եկեղեցին իր օրհնությունն է տալիս հայրենիքի սահմանները պաշտպանող յուրաքանչյուր մարդու:

#### Եկեղեցին շարունակում է պահպանել մեր ազգայինը

Դարեր շարունակ եկեղեցին պահել է մեր ազգայինը եւ փոխանցել սերնդեսերունդ: Այսօր էլ եկեղեցին շարունակում է պահպանել մեր ազգայինը: Սակայն այսօր, չարի ու բարու պայքարի մեջ, այն կառույցը, որ հազարամյակներով պահպանել է մեր ազգային սովորությունները, դիմագիծը եւ փոխանցել սերունդներին, եւթարկվում է բազմաթիվ հարվածների: Շատ հարվածներ են հասնում եկեղեցուն՝ խանգարելու, խոչընդոտելու, իսպառ վերացնելու ազգային կրման, փոխանցման առաքելությունը: Սակայն եկեղեցին, ինչպես առաջ, այնպես էլ հիմա պայքարում է այդ ուժերի, հարվածների դեմ ու շարունակում է իր առաքելությունը:

Մեր եկեղեցական արարողակարգի մեջ շատ ազգային սովորություններ են շարունակում կիրառվել, եւ եկեղեցական տոների ժամանակ ազգային է համախմբում հավատացյալներին: Եկեղեցին փորձում է այս ամենը էլ՝ ավելի զարգացնել, լայն շերտերին հասնող դարձնել: Դրա վառ ապացույցը Վարդանանց քաջ նահատակների հիշատակի օրն է, երբ եկեղեցին ազգային երգ-երաժշտությամբ, պարերի, ազգային միջոցառումների միջոցով հասարակությանը ծանոթացնում է մեր քաջերի, մեր պատմության հետ: Այսօր, ցավոք սրտի, մեր ազգային երաժշտությունն է փորձում անտեսվել, այս բազմազանության մեջ շատ քիչ հայրորդներ են լսում ազգային, հայրենասիրական, աշուղական երաժշտությունը: Եկեղեցին փորձում է այս ամենը պահել, պահպանել եւ տարբեր միջոցառումների ժամանակ մատուցել մեր հայրենակիցներին:

#### Հավատքի շնորհիվ կկարողանանք կերտել մեր վաղվա հաղթանակները

Պատերազմից հետո կարծես մեր հասարակության մոտ ամրացել է հավատն առ Աստված: Այդ հավատքի շնորհիվ է, որ մեր պատմության մեջ բազմաթիվ հաղթանակներ ունենք կերտված եւ այդ հավատքից հեռանալու արդյունքում է եղել այն, ինչ տեղի է ունեցել: Մեր հասարակությունը կարծես սթափվել, արթնացել է թմբիկից, քնից: Միայն հավատքի շնորհիվ մեր կկարողանանք կերտել մեր վաղվա հաղթանակները:

Այսօր Արցախի թե՛ մը բազմաթիվ աշխատանքներ է իրականացնում մեր հասարակության բոլոր շերտերին հաղորդակից դարձնելու թե՛ եկեղեցական արարողություններին, թե՛ մեր ազգային սովորություններին, միասնական աղոթքներ է կազմակերպում մեր հայրենիքի փրկության, միասնականության համար, խոսումներ, որտեղ մարդիկ հրավիրվում են գալ, խորհել, աղոթել, մտածել այն ամենի մասին, ինչն օգտակար կլինի մեր հայրենիքին:

Պատերազմից հետո թե՛ մը հանձն առավ նաեւ կիրակնօրյա դպրոցների բացման գործընթացը: Այսօր Արցախում հազարից ավելի երեխաներ հաճախում են կիրակնօրյա դպրոցներ, որտեղ Աստծո խոսքն են լսում, սովորում են մեր ազգային երգ-երաժշտությունը, զբաղվում են ձեռագործ աշխատանքներով, նկարչությամբ: Յուրաքանչյուր շրջանում, եկեղեցում, որտեղ կա քահանա, իր համայնքում շրջայնում է կատարում, անմիջականորեն շփվում է բնակչության հետ եւ կիսում յուրաքանչյուր արցախցու հոգսը, ուրախությունը, վիշտը: Հոգեւորականն ապրում է իր համայնքում, որտեղ նշանակվել է ծառայության:

Սակայն, լինելով պատերազմի մասնակից, կարող եմ ասել, որ պատերազմից հետո մեր հասարակության՝ դեպի եկեղեցի իրենց քայլերն ուղղելուն նաեւ նպաստել է այն հանգամանքը, որ օրհասական պահին եկեղեցին՝ հանձնի իր հոգեւորականի, իր կողքին է: Պատերազմի դաշտում, երբ շուրջն են նայել, տեսել են հոգեւորականին եւ իրենց պես հասարակ մարդկանց, ովքեր պայքարում են հանուն մեր հայրենիքի: Այլ կրոնական կազմակերպության ներկայացուցիչներ գրեթե չկային առաջնագծում, եւ հասարակությունն իր վերլուծություններով հանգել է նրան, թե որն է ճշմարիտը, որն է մեր հայրենիքի փրկության համար մտահոգվող կառույցը եւ որն ուղղակի խաղաղ ժամանակ ինչ-որ քարոզչությամբ զբաղվողը:

Դրա ապացույցը պատերազմի ժամանակ գոհված, անհայտ կորած եւ վիրավորված հոգեւորականներն են: Նրանցից է Չինված ուժերի հոգեւոր առաջնորդի օգնական Նարեկ սարկավազ Պետրոսյանը, ով իր ծառայությունը մատուցում էր ՊՆ-ում, սակայն պատերազմի սկզբից երեւանից եկել էր Արցախ, եղել տարբեր դիրքերում, տարբեր վայրերում եւ գոհվել Սոս գյուղի մատուցներում անօդաչու թռչող սարքի հարվածից: Իր հետ նաեւ գոհվել է Ռուստամ սարկավազը, ով ծառայություն էր մատուցում Մարտունու N 3 գործառնական: Անհայտ կորել է հայր Մկրտիչը, ով Մայր Աթոռում էր իր հոգեւոր սպասավորությունը մատուցում, սակայն կռվի ժամանակ կամովին եկել էր Արցախ, մեկնել առաջնագիծ: Սակայն Հաղորդի Տող գյուղից դեպի Ֆիզուլի տանող ճանապարհին իր հետ կապն ընդհատվել է եւ մինչեւ այսօր անհայտ կորած է համարվում: Երեք սարկավազ տարբեր աստիճանի վիրավորում են ստացել: Բազմաթիվ դեպքեր կան, որ սարկավազները հրաշքով են փրկվել: Օրհասական պահին լքել զավակներին՝ դավաճանական քայլ կնկատվեր:

Տարեկիկ ԱՐԱՋԱՆՅԱՆ



### Հարափոփոխ պաշտոններ Արցախում

44-օրյա պատերազմից հետո Արցախի ներքին քաղաքական կյանքը բավականին հեղեղուկ էր. մի քանի անգամ լրիվությամբ փոխվել է կառավարության կազմը, նշանակվել են նոր պետական նախարարներ ու նախարարներ: «Ապառաժ»-ը հակիրճ ներկայացնում է նրանց պաշտոնավարման ժամկետները և մեքեթրումներ հանրային խոսքից: Նախորդ համարում ներկայացրել էինք ԱՀ պետական նախարարների, ԱՀ կրթության, գիտության, մշակույթի և սպորտի ու սոցիալական զարգացման և միգրացիայի նախարարությունների մասին:

#### ԱՀ առողջապահության նախարարություն

Պատերազմից հետո Արցախի Հանրապետությունում պաշտոնավարել են առողջապահության 3 նախարարներ: **Միքայել Հայրիյանը** առողջապահության նախարարի պաշտոնը ստանձնել է պատերազմից անմիջապես հետո՝ 2020 դեկտեմբերի 22-ին, այն թողել 2022թ. նոյեմբերի 23-ին:

Նորանշանակ նախարարն իր առաջին ուղերձում մասնավորապես նշել է. «Առողջապահական համակարգը հնարավորինս կարճ ժամկետում պետք է ձեռքբազատվի այն բոլոր արտավոր երեւոյթներից ու աշխատանքից, որոնք արժանացել ու շարունակում են արժանանալ հանրային պարսավանքի ու բժշկի աշխատանքի անգնահատելի նշանակությունը նվաստացնող վերաբերմունքի: Մենք պետք է լինենք հնարավորինս բաց, պատրաստ՝ հանրության հետ երկխոսության, խիզախ՝ լսելու առողջ քննադատություն, խոհեմ՝ շտկելու սխալներն ու վերացնելու բացերը, ճկուն՝ ունենցած հաջողություններն ամրապնդելու և դրանց հիմքի վրա նշանոկ կառուցելու համար»:

Միքայել Հայրիյանից հետո առողջապահության նախարարի ժամանակավոր պաշտոնակատար է նշանակվել **Արթուր Օհանջանյանը**:

2022թ. դեկտեմբերի 21-ին առողջապահության նախարար է նշանակվել **Սամվել Ավետիսյանը**: Բժիշկը պաշտոնից ազատվել է իր դիմումի համաձայն՝ 2023թ. մարտի 23-ին: Սամվել Ավետիսյանը ուղորտում իր անելիքների, նոր ծրագրերի ու փոփոխությունների մասին հրապարակավ չի խոսել: Իսկ հրաժարականի ուղերձում, անդրա-



դառնալով պաշտոնի ստանձնմանը, գրել է. «Ստանձնելով Արցախի Հանրապետության առողջապահության համակարգի ղեկավարումը, առանց ավելորդ ցուցադրողականության, պոպուլիզմի, առանց համակարգում լուրջ կադրային վայրիվերումների, իսկույն սկսել ենք գործել՝ բացառապես ի շահ մեր ժողովրդի»:

Նա նաեւ հակիրճ ներկայացրել է պաշտոնավարման 70 օրվա ընթացքում կատարած աշխատանքը. «Շրջափակման պայմաններում շուրջ 70 օր ղեկավարելով Արցախի Հանրապետության առողջապահության համակարգը, հրատապ լուծումներ ենք տվել բազմաթիվ կենսական հարցերի, որը, սակայն, չի խանգարել սկսել ուղորտում ինստիտուցիոնալ փոփոխություններ՝ սեղմաժամկետ, միջնաժամկետ և երկարաժամկետ ծրագրեր»:

2023թ. մարտի 15-ին առողջապահության նախարար է նշանակվել և մինչ օրս պաշտոնավորում է **Վարդան Թադեւոսյանը**:

Պաշտոնավորման սկզբում նորանշանակ նախարարն այցելել է հանրապետության տարբեր բուժօգնություններ, ծանոթացել առկա խնդիրներին ու շրջափակման հետեւանքով առաջացած մարտահրավերներին: Նախարար Թադեւոսյանը իր պլաններին է անելիքների մասին դեռեւս հրապարակավ չի խոսել:

#### ԱՀ գյուղատնտեսության նախարարություն

Հետպատերազմյան շրջանում բավականին հաճախ են փոխվել նաեւ գյուղատնտեսության ոլորտի պատասխանատուները: 2020թ. դեկտեմբերի 28-ին Արցախի Հանրապետության Էկոնոմիկայի և գյուղատնտեսության նախարար է նշանակվել **Աշոտ Բախշիյանը**: Մինչ այդ Բախշիյանը զբաղեցնում էր գյուղնախարարի պաշտոնը: Կառավարության կառուցվածքի փոփոխության համաձայն՝ Էկոնոմիկայի և արտադրական ենթակառուցվածքների նախարարությունը միացավ գյուղատնտեսության նախարարությանը և դարձավ Էկոնոմիկայի և գյուղատնտեսության նախարարություն: Նախարարը 2021թ. փետրվարի 23-ին հայտարարել է զբաղեցրած պաշտոնից ազատվելու մասին: 2020թ. օգոստոսի 19-ին հրավիրված ընդլայնված խորհրդակցության ժամանակ նախարարը հայտարարել է. «Առաջին անգամ պետության կողմից որպես աջակցություն գյուղատնտեսության ոլորտին տրամադրվելու են անսխախդեալ խոշոր միջոցներ: Դա ուղերձ է մեր հայրենակիցներին՝ ինչպես տեղի, այնպես էլ Սփյուռքի,



հանդես գալ սեփական ներդրումներով գյուղատնտեսության ոլորտում՝ այդպիսով նպաստելով Արցախի տնտեսության բարգավաճմանն, ու հետեւաբար, պարենային անվտանգության ապահովմանը, ինչը մեզ համար առաջնային ռազմավարական խնդիր է»:

2021թ. մարտի 2-ին Էկոնոմիկայի և գյուղատնտեսության նախարար նշանակվեց **Արմեն Թովմասյանը**:

«Այս դժվար ժամանակահատվածում, դիմակայելով մեր երկրի առջեւ ծառայած բազում արտաքին ու ներքին մարտահրավերներին, Արցախի Հանրապետության Էկոնոմիկայի և գյուղատնտեսության նախարարությունն անշեղորեն շարունակել է կյանքի կոչել բազմաթիվ զարգացման ծրագրեր և գրանցել որոշ դրական արդյունքներ. 2021 թվականին պետական աջակցությամբ Արցախում հիմնվել են 75 հա նոր պտղատու և

հատապտղատու այգիներ, արձանագրվել է անասնազլխաքանակի աճ՝ 12-30 տոկոսով», - գյուղատնտեսության ոլորտի աշխատողներին ուղղված իր ուղերձում 2021թ. հոկտեմբերի 10-ին նշել է նախարարը:

Արցախի նախագահի 2022 թվականի փետրվարի 10-ի հրամանագրով Արցախի Հանրապետության գյուղատնտեսության նախարար է նշանակվել **Նորայր Մուսայեյանը**:

«Մենք հետեւում ենք պատերազմից հետո որդեգրած քաղաքական գծին. դա պատերազմի հետեւանքների վերացումն է, ջերմատնային տնտեսությունների կառուցման և այգեգործության խթանումը և տեղական նախրի բարելավումը: Այս նպատակով կգործեն համապատասխան ծրագրեր և դրանցից բխող միջոցառումներ, ակտիվորեն կկիրարկվեն սուբսիդավորման մեխանիզմներ: Պարտաճանաչ է ոչ պարտաճանաչ շահառուների դասակարգման ու այլ զսպող մեխանիզմների կիրառման միջոցով կապահովվի պետական ֆինանսական միջոցների նպատակային ծախսումը», - 2022թ. մարտի 3-ին հարցազրույցում ասել է Ն. Մուսայեյանը:



Նախարարը պաշտոնից ազատվել է 2022թ. նոյեմբերի 22-ին: Արցախի Հանրապետության գյուղատնտեսության նախարարի պարտականությունները ժամանակավորապես վերապահվել են նախարարի առաջին տեղակալ **Տիգրան Ասատրյանին**:

2022թ. դեկտեմբերի 29-ին ԱՀ գյուղատնտեսության նախարար է նշանակվել Հրանտ Սաֆարյանը: Ազատվել է 2023թ. մարտի 8-ին:

Մարտի 8-ին **Հրանտ Սաֆարյանը** հայտարարել է, որ աշխատանքի անցնելիս առաջնորդվել է միայն մեկ մղումով՝ անել իրենից կախված ամենը՝ օրհասական այս պահին մեր երկրին օգտակար լինելու հրամայականով. «Պաշտոնավարման առաջին իսկ րոպեից լծվել եմ Արցախի ամբողջական շրջափակման պայմաններում առկա բազմաթիվ ոլորտային խնդիրների հաղթահարմանն ուղղված ծրագրերի մշակմանը, ներդրմանը, առկա խնդիրների վերլուծության հիման վրա ընթացիկ ծրագրերի տեղայնացմանն ու նոր մեխանիզմների գործարկմանը, որից կցանկանայի կարելու դեպքում ցանքաշրջանառության իրականացումն ըստ գոտիականության, ինչի արդյունքում, վստահեցնում եմ, ոլորտային բարեփոխումներն իրենց երկար սպասեցնել չեն տա: Առանց խոսքիս ենթատեքստ հաղորդելու՝ ուղիղ կասեմ. նախարար նշանակելով ու հանելով չէ, որ պետք է լուծվեն մեր երկրի առաջ ծառայած բարդագույն խնդիրները: Համակարգային փոփոխությունների փոխարեն անհատներ տեղափոխելով չէ, որ պիտի բարելավվի Արցախի քաղաքացու կյանքը, այն էլ՝ այս ծայրաստիճան բարդ իրավիճակում, երբ Արցախն արդեն 3 ամիս է՝ շրջափակված է, իսկ ներսում հազարավոր չլուծված խնդիրներ ունենք»:

Հրանտ Սաֆարյանից հետո՝ 2023թ. մարտի 8-ին ԱՀ գյուղատնտեսության նախարար է նշանակվել **Գեորգի Հայրիյանը**:

«Հատուկ ուշադրություն ենք դարձնելու վերամշակման ենթակա բանջարաբոստանային կուլտուրաների մշակմանը», - 2023թ. ապրիլի 5-ին հարցազրույցում ասել է նորանշանակ նախարարը:

#### ԱՀ տարածքային կառավարման և ենթակառուցվածքների նախարարություն

2020թ. դեկտեմբերի 18-ին Արցախի Հանրապետության տարածքային կառավարման և ենթակառուցվածքների նախարար է նշանակվել **Հայկ Խանումյանը**: Պաշտոնից ազատվել է 2022թ. նոյեմբերի 23-ին:



«3 տարվա ընթացքում առնվազն 6 հազար բնակարան կկառուցվի: Հույս ունեմ՝ առաջիկա 2-3 շաբաթների ընթացքում մի քանի 100 բնակարան Ստեփանակերտում, որ դեռ պատերազմից առաջ էլ կառուցվում էին շենքերը, կավարտվեն և հարյուրավոր ընտանիքներ կտեղավորվեն, որը մի քիչ կթեթեւացնի հոգսը, և հույս ունեմ, որ այս տարվա ընթացքում 2 հազար 500-ի կարգի բնակարան, թե՛ գյուղերում հիմնանորոգվող բնակֆոնդին է վերաբերում, թե՛ Ռուսաստանի կողմից տրամադրվելիք 1000 հավաքովի տներին է վերաբերում, թե՛ «Հայաստան» համահայկական հիմնադրամի 110 միլիարդ դրամի ծրագրին է վերաբերում այս տարվա չափաբաժիններին, կկարողանանք տեղավորել և մյուս տարիներին՝ հաշվի առնելով շինարարության տեմպերը, ընթացքը, քանի որ տեղները հիմնադրամի կողմից նոր են սկսվել հայտարարվել և հիմնական շինարարությունը դեռեւս առջեւում է, տեղի կունենան», - 2021թ. մայիսի 1-ին տված հարցազրույցում ասել է Հայրիյանի շրջանի Հին թաղեր և Խժաբերդ բնակավայրերի հանձնումից մի քանի օր անց ԱՀ տարածքային կառավարման և ենթակառուցվածքների նախարար նշանակված, նախկինում ընդդիմադիր գործիչ Հայկ Խանումյանը, ով իր պաշտոնավարման ընթացքում պարբերաբար հայտնվում էր չարաշահումների, պետությանը հասցված վնասների գործերով տարբեր դատական գործընթացների առանցքում:

Հայկ Խանումյանին ազատելուց հետո տարածքային կառավարման և ենթակառուցվածքների նախարարի պարտականությունները ժամանակավոր վերապահվել են նախարարի առաջին տեղակալ **Վարդան Բեգլարյանին**:

2022թ. դեկտեմբերի 29-ին ԱՀ տարածքային կառավարման և ենթակառուցվածքների նախարար է նշանակվել **Սուրեն Գալստյանը**: Վերջինս դեռեւս հրապարակային ելույթներ չի ունեցել:

#### Շարունակելի

**Պողոթն պատրաստել է Տաթևիկ Աղաջանյանը՝ ԱրԳԳ լրագրության 4-րդ կուրսի ուսանողուհիներ Ասպրամ Ավանեսյանի, Զրիստինե Ղահրամանյանի և Ինեսա Մայիլյանի հետ համագործակաբար**



### Վահրամ Փափազյանի անվան թատրոնը՝ 90 տարեկան

90-ամյա կենսագրություն ունեցող՝ Ստեփանակերտի Վահրամ Փափազյանի անվան պետական դրամատիկական թատրոնը հիմնադրվել է 1932 թվականին՝ Կ. Ավարյանի ղեկավարությամբ: Առաջին թատերադրությունը եղել է Վաղարշյանի «Օղակում» պիեսի բեմադրությունը:

Երկարամյա գործունեության ընթացքում թատրոնում ստեղծվել են հարյուրավոր բեմադրություններ, որոնք ներկայացվել են ոչ միայն Արցախում, այլ նաև Հայաստանում, Վրաստանում, Լիբանանում, Ավստրիայում, Ֆրանսիայում, Գերմանիայում, Ռուսաստանում:

Թատրոնը միշտ էլ իր ուրույն տեղն է ունեցել հայ ժողովրդի մշակութային կյանքում: Աշխարհի տարբեր անկյուններում սփռված հայ ժողովրդին համախմբողը, ազգային ինքնության պահպանողը, շատ հաճախ՝ եկեղեցիների ու դպրոցների հետ միասին շարունակում է մնալ նաև թատրոնը: Այսօր էլ Արցախում՝ շրջափակման պայմաններում թատրոնը, շարունակելով իր գործունեությունը, փորձում է իր ներկայացումներով գոտեպնդել, հոգեւոր սնունդ փոխանցել հասարակությանը:

Թատրոնի 90-ամյա հոբելյանի, պատերազմից հետո եւ շրջափակման պայմաններում նրա գործունեության, ամկա խնդիրների եւ հաջողությունների մասին խոսել ենք Ստեփանակերտի Վահրամ Փափազյանի անվան պետական դրամատիկական թատրոնի տնօրեն Արմեն Հարությունյանի հետ:

**- Պարոն Հարությունյան, այս տարի լրանում է Ստեփանակերտի դրամատիկական թատրոնի 90-ամյակը: Ըստ Ձեզ, ո՞րն է թատրոնի դերը հասարակության մշակութային զարգացման եւ հոգեւոր դաստիարակության գործում:**

- Ընդհանրապես, մեր թատրոնը իր ստեղծման օրվակից եւ հատկապես խորհրդային ժամանակաշրջանում մեծ դեր է խաղացել Արցախի ժողովրդի հայապահպանության, մատաղ սերնդի հայեցի դաստիարակման, հասարակության հոգեւոր ամրապնդման ու մշակութային զարգացման գործում եւ մինչեւ հիմա այդ առաքելությունը շարունակում է կատարել:

**- Ստեփանակերտի դրամատիկական թատրոնը կարողացել է հասարակությանը տալ անվանի եւ ժողովրդի կողմից սիրված արտիստներ, նաեւ պատիվ է ունեցել հյուրընկալել հայտնի արտիստների, ինչպես օրինակ՝ Վահրամ Փափազյանը, Գոյհանյան Աբելյանը, Արուստիանյանը, Հրաչյա Նեսիպյանը եւ այլք: Ինչպիսի՞ ավանդ է թողել թատրոնն իր 90-ամյա գործունեության ընթացքում:**

- Իր 90-ամյա պատմության ընթացքում թատրոնը թողել է մեծ ժառանգություն: Մեր թատրոնի խաղացանկը, մեր լեգենդներին՝ Մարգո Բալասանյանին, Արա Հարությունյանին, Բենիկ Օվչյանին եւ մյուսներին առ այսօր ինչպես ու գնահատում են: Թատրոնը նաև ներկայացրել է արցախի թատերաբեմի արտերկրում՝ Ֆրանսիայում, Ավստրիայում, Բելգիայում, Ռուսաստանում, Գերմանիայում: Այսօր էլ հանդիսատեսը մեծ հաճությամբ է ներկայանում՝ բեմադրություններ դիտելու եւ անհամբեր սպասում նոր բեմադրությունների:

**- Չարաբաստիկ պատերազմն իր ազդեցությունն է թողել յուրաքանչյուր դորտի վրա: Ինչպիսի՞ ազդեցություն է թողել այն թատրոնի գործունեության եւ խաղացանկի վրա:**

- Պատերազմն իր բացասական ազդեցությունն է թողել նաև թատրոնի վրա, քանի որ պատերազմից հետո մեր երիտասարդ դերասանների մի մեծ մասը տեղափոխվել է ՀՀ, ինչի արդյունքում մեր խաղացանկն ամբողջությամբ զրոյացել է,

որովհետև բոլորն էլ մասնակից էին տարբեր ներկայացումների: Բայց մենք կարճ ժամանակում կենտրոնացրել ենք մեր ուժերը, ընդունել նոր դերասանների եւ պատերազմից հետո 7 նոր բեմադրություն հանձնել հանդիսատեսի դատին: Թատրոնն իր պլաններից ընդհանրապես չի շեղվել՝ տարվա ընթացքում պարտադիր 3 նոր ներկայացում բեմադրելով, չնայած չկա պետական որևէ աջակցություն: Ֆինանսավորում չկա, ոչ մի հարցում աջակցություն չկա. մենք մեր ուժերով փորձում ենք մեր պլանով աշխատել:



**- Արցախը՝ արդեն 4 ամիս է, ինչ գտնվում է շրջափակման մեջ: Ինչպե՞ս է անդրադառնում շրջափակումը թատրոնի գործունեության վրա, ի՞նչ խնդիրներ է ստեղծում, որքանո՞վ է կարելի թատրոնի գործունեությունն այս պայմաններում եւ ո՞րն է թատրոնի ասելիքը հասարակությանը:**

- Շրջափակման պայմաններում թատրոնը մեկ օր անգամ չի դադարեցրել իր գործունեությունը: 2022 թվականն ավարտել ենք «Ձմեռային հեքիաթ» մանկական միջոցառումներով: Այդ ներկայացումներով եղել ենք նաև Ճարտարում, սակայն քանի որ վառելիքի խնդիր կա, փորձել ենք մի ներկայացման ընթացքում ներգրավել նաև հարակից 6 գյուղերի երեխաներին: Հունվարին եղել ենք Մարտակերտ քաղաքում: Սակայն այս պահին վառելիքի բացակայության հարցը շատ ավելի լուրջ է, ինչը բացասաբար է անդրադառնում մեր հյուրախաղերի հաճախականության վրա:

Նախորդ տարվա վերջին ունեինք նաև հայրենասիրական ներկայացում «Ամառահների դիրքը», որից հետո նաև հանդիսատեսի խնդրանքով որոշեցինք ավելի թեթև, հետաքրքիր ու ծիծաղ առաջացնող բեմադրություններ ներկայացնել, եւ Թատրոնի միջազգային օրը՝ մարտի 27-ին, հանդես եկանք առաջնախաղով՝ «Բակում կատաղած շուն կա» բեմադրությամբ, ինչը շատ մեծ ոգեւորությամբ ընդունվեց մեր հանդիսատեսի կողմից: Փորձեցինք մեր հանդիսատեսին մի քիչ կտրել առօրյա հոգսերից: Կարծում եմ՝ ստացվեց, որովհետև մարդիկ շնորհակալություն էին հայտնում՝ նշելով, որ ներկայացման ամբողջ ընթացքում իրենք մոռացել էին՝ ինչ պայմաններում են ապրում, ինչ դժվարություններ են հաղթահարել:

**- Ի՞նչն է հանդիսատեսին թատրոն բերում, եւ արդյո՞ք պահանջված է այն երիտասարդության շրջանում, թե՞ ամեն դեպքում ժամանակակից տեխնոլոգիաները փոխարինում են թատրոնին:**

- Առաջին հերթին, հանդիսատեսին թատրոն բերում է թատրոնի հանդեպ ունեցած սերը: Թատերական աշխարհը շատ հետաքրքիր է՝ դերասան-հանդիսատես անմիջական շփման ձևով, որը չի կարելի համեմատել հեռուստատեսության կամ սոցիալական ցանցերի հետ:

Դա մի ուրիշ հաճույք է. դահլիճում նստած՝ անմիջապես մասնակից դառնալ այն ամենին, ինչ կատարվում է բեմում: Ինչպես նշեցի, բեմադրել ենք «Ամառահների դիրքը», որի ընթացքում այդ դիրքի պաշտպանությանը փորձել ենք մասնակից դարձնել նաև հանդիսատեսին՝ իրական պայթյուն, ծուխ, կրակ, որն ավելի ուժող զգացումներ է առաջ բերում:


Թատերասեր հանդիսատես ունենք եւ երիտասարդ, եւ ավագ սերնդի մեջ: Առավել շատ հաճախում են հիմնականում դպրոցահասակ երեխաները եւ ավագ սերնդի ներկայացուցիչները, իսկ ուսանողները շատ քիչ են այցելում թատրոն:

**- Ըստ Ձեզ, թատրոնը կարողանո՞ւմ է զարգանալ ժամանակի նորարարություններին համապատասխան:**

- Այդ խնդիրը դրված է մեր առջեւ, եւ մենք, իհարկե, փորձում ենք գտնել նորագույն տեխնիկական լուծումներ, դերասանական խաղում նորություններ մտցնել, մեր ամեն մի ներկայացման մեջ փորձում ենք մեկ քայլ առաջ գնալ՝ աշխարհի զարգացմանը համահունչ:

**- Ձեր կարծիքով՝ այսօր ինչի՞ն պետք է ձգտի թատրոնը:**

- Իմ կարծիքով՝ թատրոնը պետք է ձգտի միշտ պահանջված լինել: Յուրաքանչյուր նոր թատրոն բեմադրելիս մենք փորձում ենք հաշվի առնել նաև մեր հանդիսատեսի կարծիքը, իսկ մասնական ներկայացումների ժամանակ խորհրդակցում ենք կրթության քաղաքային բաժնի հետ, դպրոցի տնօրենների հետ՝ հասկանալու՝ աշակերտներն այդ պահին ինչ թեմաներ են անցնում, որպեսզի իրենց սովորածը նաև դիտելու հնարավորություն ունենան: Ընդհանրապես, մենք միշտ փորձում ենք հանդիսատեսի պահանջները կատարել, որպեսզի այստեղից միշտ գոհ դուրս գան:



**- Ինչպիսի՞ խնդիրներ ունի թատրոնը, եւ ինչպե՞ս եք փորձում դրանց լուծումներ տալ:**

- Թատրոնի խնդիրները բազմաթիվ են: Առաջնային է մնում շենքային պայմանների բացակայության հարցը: Մեր մայր թատրոնն այս պահին գտնվում է վթարային վիճակում, որի պատճառով չենք կարողանում տարրական թատերական պայմաններում ներկայացումներ բեմադրել: Մեզ հատկացված է Ստեփանակերտի Մշակույթի եւ երիտասարդության պալատի փոքր դահլիճը, որտեղ ոչ մի թատերական պայման չկա, տեխնիկական հագեցած չէ, սակայն մենք տեղում փորձում ենք խնդիրներին լուծում տալ, եւ որոշ չափով ստացվում է: Եթե ունենայինք մայր թատրոնի բեմի բարձրությունը, լայնությունը, տեխնիկական հնարավորությունները, ավելի լավ ներկայացումներ կարելի կլիներ բեմադրել, սակայն փորձում ենք սահմանափակվել ունեցածով:

Խոսակցություններ կան շենքի վերանորոգման մասին: Հույս ունեմ, որ խոսքը կվերածվի գործի: Այս պահին նախահաշվային աշխատանքներ են տարվում. տեսնենք այս անգամ խոսքը գործ կդառնա՞, թե՞ ոչ:

Դերասանական կազմի առումով՝ ինչպես նշեցի, պատերազմից հետո երիտասարդ դերասանները լքեցին թատրոնը: Մենք փորձեցինք լրացնել այդ բացը, սակայն երիտասարդ դերասանների պահանջը միշտ զգացվում է:

**- Կա՞ն մասնավոր կազմակերպություններ, որոնք աջակցում են թատրոնի աշխատանքներին:**

- Կան մասնավոր կազմակերպություններ, որոնք աջակցում են մեզ հյուրախաղերի կազմակերպման հարցում: Հայ օգնության միությունը, ՀՀ Դաշնակցությունը, Համազգային հայ կրթական եւ մշակութային միությունը, Ռուբեն Վարդանյանը եւ այլք, առանց որոնց հնարավոր չէր լինի հյուրախաղերի կազմակերպումը:

**- Պատերազմից հետո նաև հյուրախաղերով արտասահմանում եք եղել: Ինչպիսի՞ ընդունելության եք արժանացել:**

- Շատ լավ ընդունելության արժանացանք, լավ կազմակերպված էին հյուրախաղերը: Եղել ենք Լիոնում, Բրյուսելում, Զյուրիխում, Բեռլինում, Վիեննայում, Մոսկվայում, ներկայացրել ենք «Երկնքից երեք խնձոր ընկավ» բեմադրությունը:

Հանդիսատեսը շատ գոհ էր: Նույնիսկ խնդրեցին, որ լրացուցիչ եւս ներկայացնենք: Զին պատկերացնում, որ Ստեփանակերտը նման թատրոն ունի: Շնորհակալություն եմ հայտնում Կարինե Քոչարյանին հյուրախաղերի կազմակերպման եւ բեմադրման համար:

**- Հայաստանյան թատրոնների հետ ունե՞ք համագործակցություն համատեղ ներկայացումներով հանդես գալու համար:**

- Վանաձորի թատրոնի հետ համատեղ ներկայացրել ենք «Ռուզան» ներկայացումը, որի դերասանական խմբի մի մասը Ստեփանակերտից էր, մի մասը՝ Վանաձորից: Շատ հետաքրքիր ներկայացում էր, դերասանական խաղ, նաև՝ լավ փորձի փոխանակում: Նախատեսում էինք նրանց հյուրընկալել նաև Ստեփանակերտում, սակայն, ստեղծված իրավիճակով պայմանավորված, ծրագիրն իրականություն չդարձավ: Այլ թատրոնների հետ եւս ունենք բարիդրացիական կապեր, սակայն նորից, իրավիճակով պայմանավորված, փոխադրությունները դժվարանում են: 2 տարի առաջ հյուրախաղերով եղել ենք Երեւանում, Հրազդանում, Արտաշատում, Գյումրիում, Տաշիզում, Վանաձորում:

**- Նշեցիք, որ առաջիկայում ունեք ներկայացումներ, բայց ի՞նչ սպասի հանդիսատեսը տարվա համար:**

- Այս պահին մի բեմադրություն արդեն հանձնել ենք հանդիսատեսի դատին եւ կատարում ենք ընտրություն հաջորդի համար, որից հետո էլ մի մանկական ներկայացում ենք ունենալու:

**- Վերջերս կազմակերպել եք նաև «Ստեփանակերտի Վահրամ Փափազյանի անվան պետական դրամատիկական թատրոն-90» գրքի շնորհանդեսը: Ի՞նչ կասեք այդ մասին:**

- Գիրքը, որի հեղինակը Կարինե Ավարյանն է, տպագրվել է ԱՀ ԿԳՄՍ նախարարության պատվերով: Գունեղ գրքի մեջ ներկայացված է թատրոնի պատմությունն ու բեմադրությունների վերաբերյալ պատմությունները: Գիրքը տպագրվել է շատ մեծ դժվարությամբ եւ այս պայմաններում՝ շատ մեծ դժվարությամբ էլ Արցախ տեղափոխվել:

Կահագն ԽԱՉԱՏՐՅԱՆ

### Վիզեն Գրիգորյանի նահատակության 30-ամյա տարելիցն է

Արդեն երրորդ տարին է, ինչ Արցախյան պատերազմի առաջամարտիկ, ՀՀ Կրկնաթիվի ԿԿ անդամ, ԼՂՀ առաջին գումարման Գերագույն խորհրդի պատգամավոր, «Մարտական խաչ» 2-րդ աստիճանի շքանշանի ասպետ Վիզեն Գրիգորյանի հարազատները, մարտական ու կուսակցական ընկերները նրա հիշատակին հարգանքի տուրք են մատուցում նրա ծննդավայրից հեռու:

Վիզեն Գրիգորյանը ծնվել է հասակ է առել Հայրենիքի շրջանի Տող գյուղում (ծնվել է 1951թ. օգոստոսի 8-ին): 1972 թվականին ավարտել է Բաքվի Լենինի անվան պետական մանկավարժական համալսարանը և երկար տարիներ դասավանդել Տողում ու Հայրենիքի շրջանի այլ գյուղերում: Ինչպես փաստում են ընկերները՝ վճռական էր, խելացի, հավասարակշռված, հայրենասեր, իսկական առաջնորդ ու ոգետորդ:

1988-ին ստեղծել է «Վրեժ» հայրուկային ջոկատը: Ապրելով Տող գյուղում՝ մասնակցել է ողջ շրջանի ու այլ վայրերի ինքնապաշտպանական ու ազատագրական մարտերին: Մասնակցել է Հայրենիքի (Տող, Սարինշեն, Հողեր, Ծամձոր և այլն), Ասկերանի (Խոջալու), Ֆիզուլիի շրջանների մարտերին: 1991թ. դեկտեմբերի 28-ին Տողի թիվ 36 ընտրատարածքից ընտրվել է ԼՂՀ առաջին գումարման Գերագույն խորհրդի պատգամավոր:

«Քիչ էինք, մեծ ուժերի դեմ էինք կռվում, ճանապարհներն էինք ակասապատում, ազերիների մեքենաներն այդ ճանապարհներին պայթում էին: Նույնիսկ մի քանի անգամ մեր գործերի մասին հայտնեցին, բայց չասացին, որ Տողի տղաներն են արել, այլ ասացին՝ Գետաշենի վրիժառուներն են վրիժառուները՝ գործ կատարել: Մենք էլ, օգտվելով այդ առիթից, հաջորդ ակտերի ժամանակ գրում էինք «Եղեգնածորի վրիժառուներ», «Հոկտեմբերյանի վրիժառուներ», «Նոյեմբերյան», «Իջեան» և այլն: Դա ահուսարսափ էր առաջացնում թշ-

նամու մեջ, որովհետև նրանք կարծում էին, թե ողջ Հայաստանը կռվում է Հայրենիքի շրջանում»,- հարցազրույցներից մեկում նշել է Վ. Գրիգորյանը:

Արցախյան շարժման հենց սկզբից Վիզենը Հայրենիքի շրջանի ամենակատիվ գործիչներից էր: Մարտական ընկեր Վահե Սահակյանի և մյուսների համար ուսուցիչ էր, ծնող: «Չէր ասում՝ գնանք մեռնենք, ասում էր՝ պիտի ապրես ու կռվես: Նրա համար մեծ ցավ էր թեկուզ մեկ զինվորի մատի վնասվածքը»,- ասում է նա:



Կյանքի վերջին ամիսներին Վիզենը Տողի գումարտակի շտաբի պետն էր, եւ Արմենյոյի հետ միասին ձեռնարկեցին ու իրագործեցին մի շարք փայլուն գործողություններ: Վիզենը համակված էր հայրությունը հայրենիքում միավորելու, ազատ և միացյալ Հայաստան վերականգնելու գաղափարով: Վիզենը լավ գիտեր իր ժողովրդի պատմությունը: Կինը՝ Գրետա Ավետիսյանը, հիշում է ամուսնու խոսքերը. «Ասում էր՝ ինչ Ջաբրայիլ, ինչ Ֆիզուլի, սրանք մեր պատմական հողերն են, որի մասին վկայում են նույնիսկ քարերը»:

30 տարի առաջ՝ 1993թ. ապրիլի 5-ին Տողի գումարտակը հետ էր մղում թշնամուն, բայց զինամթերքը վերջանում էր:

Դրանք վտանգավոր ճանապարհով բերելն իր վրա վերցրեց հրամանատարը. հետադարձ ճանապարհին մեքենան պայթեց ակակի վրա:

Դստեր՝ Ալենուզ Գրիգորյանի համար ցավալի է, որ չեն կարողանում այցելել հոր շիրմին: Ամեն տարի ապրիլի 5-ին հայրենի գյուղում միջոցառում էր կազմակերպվում, ծաղիկներ էին խոնարհում Վիզեն Գրիգորյանի գերեզմանին, իսկ վերջին պատերազմից հետո Եղբայրական գերեզմանացու են այցելում: «Այս տարի, կապված շրջափակման հետ, մայրս հարսների ու թոռների հետ այսօր Եռաբլուր է գնում, ես եւ Եղբայրներս այստեղ՝ Եղբայրական գերեզմանացու: Բոլորն էլ մեր հայրենիքի համար են իրենց կյանքը նվիրել, ու միշտ ծաղիկներ էի խոնարհում բոլորի համար, փնտրում «Վիզեն» անունով նահատակված հերոսի, հետո մեր հարեան Տուժի գյուղից Վիզենի գերեզմանաքարը տեսա, ու ամեն անգամ առաջինը նրա շիրմաքարին եմ ծաղիկ խոնարհում»,- ասում է նա:

Դստեր համար Վիզեն Գրիգորյանը մարդկային ամենաբարձր արժանիքների հավաքական կերպար էր՝ հայրենասեր, նվիրյալ, ազնիվ, բարի: «3-4 տարեկան էի, եղբայրներիս հետ երգում էինք «Դաշնակ Դրո»-ն, ՀՀ հիմնը. սիրում էր երգեցնել ինձ: 1988թ. շարժման սկզբնավորումից սկսած՝ թեկուզ փոքր էի, բայց շատ են տպավորվել հորս հետ կապված հիշողությունները: 1988թ. փետրվարի 20-ի նախօրյակին, երբ կարմիր, կապույտ ու ծիրանագույն կտորներ էր տուն բերել, մտածեցի, թե մայրս ինձ համար ինչ-որ գունավոր զգեստ է կարելու, այնինչ կարվեց մեծ եռագույն: Գյուղում չէինք կարող մեքենան դրոշով ծածկել, քանի որ հարեանությունը մեր հարեաններին բնակվում, ուստի գյուղից դուրս գալուց հետո դրոշը հանում էինք ու մինչև Ստե-

փանակերտ ծածանում: Ինձ համար դրանք անմոռանալի զգացողություններ են եւ ամբողջ կյանքում ինձ հետ կմանան»,- պատմում է Ալենուզը:

ՀՀ Բյուրոյի անդամ, ԱՀ Աժ ՀՀԴ խմբակցության պատգամավոր Դավիթ Իշխանյանի կարծիքով՝ Վիզեն Գրիգորյանը խորությամբ չուսումնասիրված կերպար է: «Ես այն երջանիկներից մեկն եմ, ով առիթ է ունեցել իր հետ երեք հարթակներում լինելու. նախ՝ որպես առաջին գումարման Գերագույն խորհրդի պատգամավոր, այնուհետև՝ պատերազմական դաշտ և կուսակցական գործունեություն: ՀՀԴ Արցախի Կենտրոնական կոմիտեի անդամներ էինք. շատ ծանր էր իրավիճակը՝ ոչ միայն պատերազմով պայմանավորված, այլ նաև՝ քաղաքական առումով: Այդ օրերին լինել խորհրդարանական, զինվորական ու դաշնակցական, շատ դժվար էր: Վիզեն Գրիգորյանի թողած հետքն ուսանելի է: Նա այն եզակիներից մեկն էր, որ խորհրդային տարիներին ստացել է համապատասխան դաստիարակություն, բայց կարողացել է պահել իր արժեքները: Նրա որդեգրած արժեքները համակարգ պետք է մեզ համար ուղեցույց դառնա, եւ մեզնից յուրաքանչյուրը պետք է կարողանա Վիզենի թողած հետքը, ավանդը իր համար դարձնել գործելաոճ»,- նշել է Դավիթ Իշխանյանը:

2023թ. ապրիլի 5-ին Արցախի Ազգային ժողովի ճեմարանի զոհված պատգամավորների հիշատակը հավերժացնող հուշատախտակի առջև Վիզեն Գրիգորյանի հիշատակին հարգանքի տուրք են մատուցել ու ծաղիկներ դրել նրա գավակները, ընկերները, կուսակցական ու մարտական ընկերներ, ԱՀ Աժ պատգամավորներ:

Ամուսնացած էր, ունի երեք զավակ: Տողի միջնակարգ դպրոցը կրում էր նրա անունը: Մարմինն ամփոփված է հայրենի գյուղում:

*Տաթևիկ ԱՐԱՋԱՆՅԱՆ*

### Չնահատանք ու խոնարհում՝ Մայրության ու գեղեցկության տոնին

ՀՀ Արցախի կառույցի, Հայ օգնության միության Արցախի միավորի, Հայ մարմնակրթական ընդհանուր միության Արցախի մասնաճյուղի, Համազգային հայ կրթական և մշակութային միության Արցախի գրասենյակի, ՀՀ Արցախի երիտասարդական ու պատանեկան միությունների համատեղ ջանքերով ապրիլի 7-ին Ստեփանակերտում կազմակերպվել է միջոցառում՝ նվիրված Մայրության և գեղեցկության օրվան, Սուրբ Աստվածածնի Ավետման տոն օրվան:

Միջոցառմանը մասնակցում էին Արցախյան պատերազմներում նահատակված ՀՀԴ և ուղեկից կառույցների անդամների կանայք, մայրեր: Նպատակն էր՝ շրջափակման ու 44-օրյա պատերազմից հետո ստեղծված ծանր պայմաններում փոքրիկ տոն պարգևել և սահմանափակ հերոսների մայրերին ու կանանց, թեկուզ կարճ ժամանակով նրանց կտրել առօրյա հոգսերից ու մտածումներից: Միջոցառումը օրհնանքի խոսքով բացել է Տեր Աղորեսա քահանա Թավադյանը: Ներկաներին շնորհավորելով Աստվածածնի ավետման տոնին, Մայրության ու գեղեցկության տոնի առիթով՝ մաղթել է, որ հայ կանանց աչքերը երբեք արցունք չտեսնեն, ապրեն խաղաղության մեջ, ուրախանան թոռների, ծոռների ծնունդներով և այդ բարի ավետիսներով միշտ նրանց ականջները շոյեն:

«Սուրբ Աստվածածնի ավետման տոնը մեր եկեղեցու հայրերը հաստատել են որպես հաստատուն տոն ու մշտապես նշում են ապրիլի յոթին: Այսօր, այս տոնին, մեր տոնացույցի համաձայն, համընկել է նաև Զորքույրի խաչելության և թաղման օրը: Մարդկության պատմության մեջ տեղի ունեցած այս երկու իրողությունները՝ մեկը որպես ուրախալի տոն, մյուսը՝ որպես գուժ, մեր եկեղեցին պահում ու պահպանում է, եւ այսօր երկուսն էլ շատ բան ունեն մեզ սովորեցնելու: Աստվածածնի ավետման տոնին սուրբ Մարիամը, ի դեմս մարդկության, ստացավ Աստծո մարդացման լու-

րը, որ Աստված պետք է մարդանա և մարդկությանը փրկի: Այս ուրախությունը շատ մեծ է: Սակայն Մարիամը 33 տարի հետո տեսավ իր զավակին խաչին գամված, որովհետև այդ նույն մարդկությունը, հասարակությունը, ժողովուրդը չէին փրկության ճանապարհը, ճշմարիտ թագավորությունը, չէին փրկում հուսի թագավորությունը, այլ նախընտրեց մնալ մեղքերի, հանցանքների մեջ, իր կյանքը շարունակել այդ հանցագործ միջավայրում և լույսն անտեսելով՝ մնալ խավարի մեջ: Մինչ օրս այդ պայթյալը կա, Զորքույրի պայթյալը շարունակվում է: Առաջալները շարունակեցին այդ պայթյալը, շարունակեցին տարածել լույսը խավարի մեջ, որի առաջալն այսօր Առաքելական եկեղեցին է»,- նշել է Տեր Աղորեսաը:

Նրա խոսքով՝ Սուրբ Աստվածածինն ուրախ էր իր ավետման տոնին, ինչպես շատերն այդ ուրախությունն ունեցել են, երբ իմացել են, որ պիտի զավակ ունենան. «Սիրելի, մայրեր, քույրեր, ձեզնից շատերն զգացել են այն մեծ ցավը, որ ունեցել է Սուրբ Աստվածածինը՝ տեսնելով իր զավակին խաչի վրա, ձեր սրտի միջով անցել է այդ սուրը, եւ այդ մեծ ցավը, վստահ եմ, որ երբեք չի ջնջվի ձեր սրտերից: Սակայն այս օրերը գալիս են միաթարելու, որ Զորքույրս հարություն է առել, եւ նաև Հայրության լույսը տարածվում է նրանց վրա, ովքեր նվիրումով ծառայել են եկեղեցուն, հայրենիքին, ազգին: Վստահ պիտի լինեք, որ Ձեր զավակներն էլ Զորքույրի պես երկնային արքայության մեջ ցնծում են ուրախանում են ցանկացած գեղեցիկ առիթով»:

Նահատակ հերոսների հարազատներին զնահատանքի ու խոնարհումի խոսք է ուղղել ՀՀ Արցախի ԿԿ ներկայացուցիչ Արթուր Մոսիսյանը: Ընտրված Մայրության ու գեղեցկության տոն օրը, Արթուր Մոսիսյանը նշել է, որ միջոցառումն ունի ուրախության ու խոնարհումի բաղադրիչներ: «Դեռևս Արցախյան առաջին

պատերազմի չամոքված վերքերին ավելացավ վերջին պատերազմի դեռևս չսպիացած վերքը: Այսպես միշտ եղել է, եւ հայ ժողովուրդը կարողացել է ինքն իրեն վերագտնել, եւ առաջին հերթին դա կատարել է իր մայրերի, քույրերի միջոցով: Համոզված եմ, որ ապրիլի յոթին նվիրված միջոցառումները կկարողանանք ավելի լավ պայմաններում նշել, եւ համոզված եմ, որ Արցախ աշխարհին ու Հայաստանին պատած արհավիրքը կկարողանանք հաղթահարել: Լավագույն խոնարհումը մեր նահատակ հերոսների առջև կլինի ոչ միայն հիշելը, այլ նաև ազատ հայրենիքի, իրենց մանկիկների արժանապատիվ, խաղաղ ապագայի կերտումը, հանուն որի նրանք նահատակվել են: Դա կլինի մեր՝ ապրողների կողմից ամենամեծ խոնարհումը նրանց առջև»,- նշել է ՀՀ Արցախի ԿԿ ներկայացուցիչը՝ ավելացնելով, որ կաշխատեն ավելի հաճախ կազմակերպել նման միջոցառումներ:

Մայրերին ու մայր հայրենիքին նվիրված ելույթներով հանդես են եկել «Մենք ենք մեր սարերը» երգիչ-պարի պետական համույթը, երգչուհիներ Տաթևիկ Բալայանը, Լիլիթ Ավանեսյանը, Հայրենի մանկապատանեկան ստեղծագործական կենտրոնը, ՀՄԸՄ-ի Արցախի միավորի ու ՀՀԴ ԱՄ-ի, պատանեկան միության անդամներ: Ծրագիրը ֆինանսավորել է ՀՕՄ-ի ԱՄՆ Արեւմտյան շրջանի շրջանային վարչությունը:

Ներկաներից Կարինե Դադայանը բոլորի անունից շնորհակալություն է հայտնել նման միջոցառում կազմակերպելու համար: «Այս միջոցառումը եւս մեկ անգամ վեր հանեց մեր գազցումները, ինչ մենք վերապրում ենք ամեն օր, ամեն վայրկյան: Տա Աստված՝ այլևս մեր երկնակամարում նման պատերազմներ չլինեն: Մենք այն ժողովուրդն ենք, ում ուղին անցել է պայքարի միջոցով: Պայքարում ենք ամեն ձեռով: Թող մեր պայքարը խաղաղ ավարտ ունենա»,- նշել է նա:

*Տաթևիկ ԱՐԱՋԱՆՅԱՆ*

«Ապառաժ» երկշաբաթաթերթ  
Ստեփանակերտ, Կունյանցների 17,  
հեռ. +374 97 38 43, E-mail: aparajtert@gmail.com  
Կայքէջ՝ www.aparaj.am

Լյուրերի համար պատասխանատու են հեղինակները: Թերթը կարող է տպագրել նաև Լյուրեր, որոնցում արձարծված տեսակետները չի կիսում: Տպագրվում է Ստեփանակերտի «ԴԻՉԱԿ ՊԼՅՈՒՄ» ՍՊԸ-ում: Գրանցման վկայական՝ 04: Տպաքանակը՝ 700: Գինը՝ 100 դրամ:

Խմբագիր  
Ա. Պոլուկյան